湘

軍

写言

服買於外 時 邑當南北之交風氣慓急其俗好俠輕死挾刃 安 湘軍記卷七 徽 į 廷 已然自洪酋陷金陵皖 以粤寇 襟 綏 輯准何篇 江 一帶淮江以 **返聽將** 雄桀吳猛之姿故畏 南土 **- 喜儒術異懦** 権 稅· 北伏莽滋益多其最著者李 禍飢少姦充. 民 伍 東湖王定安撰 田疇儼 不好武民則懋 報 仇永 都 兆

眾 爲捻於霍邱眾纔數百出役光州光山商城固始問 號 河南 筋威巭 勝保是時豫皖捻患熾常 州 軍 召徒黨名益順驕恣横行所在 巡撫英桂遣兵六百圍捕 無紀律名為桀驁其實孱冗不任戰一 千六月圍商城邑紳 控馭苗李焉李兆受者河南固始 |大臣諳兵事者駐淮上 苍苍 攢板沖寫 周 不獲兆受 一治軍北屏中原南禦粵捻 莫誰何民尤患苦之 **(益句結皖匪** 成豐三年始 加

動不 其眾捻黨洶懼兆受與馬超江相繼降桂珍提飢軍三 時徽甯池太廣兵備道何桂珍屯霍山十 縣 巨已 轉戰楚皖又益以新降之眾無所得食始什 忍遠背然絕糧人怪桂珍無以活之意望甚會馬超 設位受弔捻黨畢集於是安徽河南諸帥皆以 匪 丞張曜率師躡之戰於流波疃斬李兆慶 入告而縣令亦懸賞購兆受頭千金兆受益不 而削減半之旣又半之而賊來益盛兆受感桂珍 |徒所殺兆受怒官不能捕誅以抵罪也議為超江 阿公公 月擊兆受破 人賦麵 7 /兆受 虚

密書 匍 保 七年二 同時 伏 援 E 請 同始戦 į 抵 兆受 邱援烏龍集自皖之六種豫之 一月兆受導奧賊陷六安霍 珍燭以圖剪 珍自 一難者四十七人 厦捷 伴置酒高會 **擊捻酋張樂刑** 陳無 額 副 上甚急聲言將趨 他· 都御史袁甲三 叛 《城 好後 珍撫慰 而伏兵戕桂珍於英山之 招集亡 人發書寫 印图詩 命侵掠 稍級定矣會 鸿 赬 光 州 固息商所. 几 兆受 歸德 圩 兆受 時 寨眾號 都統 合 帥 Ţij. 胗 南 數 他

**粤賊**閏 者皆由李兆受糾黨一 保遣軍進駐黎家集捻聞大軍且 聯恩等躡擊敗之甲辰克正陽八年五 枸杞圍劉帝城聲言與正陽城合竄懷違鳳陽勝保遣 用巨巴 王勝保克霍邱攻正陽益力八月兆受率眾五六千 勝保 樹 南軍屢捷逆燄就衰而金陵未及克皖北未肅 賊援今臣軍適當下蔡寇捻之交李兆受請進 五月勝保攻正陽關兆受踞葉家集出擾光周 57/241 、捷於三河尖張樂刑赴霍邱依兆受將乞援 ||三萬横截官軍以助賊勢勻結 至皆走六霍之交七 一月勝保哀甲三奏 勝 吲

甲三即可南下扼淮合力攻賊 舒城願為內應宿州以南羣 は国言 **韶授勝保爲欽差大臣專督安徽軍袁甲三駐宿州專討** 旨報可於是勝保躬至淸流關受降兆受猝其弟及頭目 豫勝當月 改兆受名世忠賞花翎參將勝保裁其眾留萬八千 餘 捻匪九月勝保攻天長兆受內應獻城遂克之 (迎見七月 圩苗沛霖者安徽鳳台人 給的隨自灣以給軍是時苗沛霖亦受節 7 補縣學生員陰鷙

水十二月捻圍攻沛霖擊走之九年正月江浦守賊薛 張洛刑有功敘勞獲獎益募兵徇旁圩下之有眾數萬衰 **忌少負意氣於儔類無所不凌侮自粵捻興鄉民行** 法築圩自衞率推豪石為練總賊至登陴守望或助官 兀款於總統張國樑欽差大臣和春遣世忠受降 羣賊 |元貳急攻之||元巳||下令薙髮閉城待援水師賴鎭 ·賊亦時與鄰圩爭雄長相攻伐沛霖居下聚為練總擊 尾巴 一勝保皆撫之用爲助沛霖旣平懷遠諸捻圩連營澮 乃解世忠率三元攻浦口克之沛霖據蒙城叛勝 多比 IJ 中 詗

降之以: 敗之 H 服見地方官吏燕服談謔倨 弗臣也六月陳玉**成**徇來安世忠出誘敵玉成褒城伏 降. 於 詔總兵傅振 使論 Ę 因 風陽北斬擒頗眾四月張元龍以鳳陽府縣城詣 [徇臨准] 玉成攻滁州世忠自水口焚其糧賊潰七 (功屡耀) 降沛霖反正時袁甲三 邦代 下之沛霖復與振邦攻肥水南諸 心襲破之 "至道員 · 領其軍振! 布 政使街沛霖雖膺監司弗 與沛霖 無禮 罷. 使其下稱之先生 共攻捻酋 Į 叛圩皆 主成復 張 膀 湰 破 起 鳳

相軍已 盱眙相繼陷捻亦復踞鳳陽臨准· 詔楚軍撥援國藩與胡林翼方謀安慶未遑 起袁甲二 由光固前擊 同書由定遠移駐壽州捻陷定遠八月江 一月沛霖從官軍復臨淮十年 官軍甲三 河南軍袁甲三為欽差大臣專皖事 《於七 圍鳳陽鄧 正月 Ħ.

關鎮牧令不能治民皆設武夫權關稅收民田租稅自為 襲來安築壘城外為持外計世忠遣朱元與自三界石壩 賊目唐得華獻款克之 **詔授世忠江南提督幫辦軍務自滁以西北屬五 詔擢世忠總兵三月江南大營陷四月曾國藩為兩江總** 「納貨貨 援副都統全福馬隊先至乘夜擊之賊皆走進攻全椒 猶距縣城甲三誘出誅之遂復二 上上 一月和州含山城圍滁州世忠會全福擊走之 The state of the s 拠 |月粤賊自全椒

湘軍記 城為多隆阿後接不能至淮上賈臻攝藩司 | 穢鞠為茂草矣袁甲三屯懷遠孤立無拨冀引湘軍自 **澮之閉所收圩寨輒置長秉其號令弗隸於官二人者雄** 世忠頭童世呼李禿子淮南北苦其蹂躪言李禿子則 疏薦李續宜用按察使擢安徽巡撫又以買臻張學 八憤怒思啖其肉時沛霖亦補川北兵備道崛强准 事薦為藩泉藉游說聯沛霖續宜新自 一和滁粤捻交乘苗李居別反侧居民蕩析失業田廬荒 不相下時相却奪吞并旁圩自肥自安慶北暨宿亳 八卷七 [湘來皖常在 颍 助 渦 桐

111 T. 寒南 文宗諭 詔 温言撫慰或諫 見中原 侩 勝保 州八月英吉利犯京師 統勤王軍勝 同書徴其兵沛 放縱 推 制常輕騎往來壽州謁 ·戴眾愣? 沫 百沛 兵 四出盆掠民圩佔 霖 激 視 保請 變沛 暴大喜設台 紳 旦 不敢言未幾撫議 测 貇 赴下蔡領旂 外援及苗練 狙便擊之 盆 一種造黨和壽六路 间 書騙慢 北拜痛 剔 F 成. 沌 中 哭言 無 一其行沛霖 同 耳 夷 八變事 嚴 同 檄

渡 黨圍北門張學醅爲之 叛 即罷兵副將徐立壯偵苗黨伏城內投殺七人沛霖忿移 兵擊所居宋家圩搜徐氏盡斬之 孫家泰綰防局弗應招. 同書誓以死禦苗逆同書令立壯會蒙時中扼 總兵黃鳴鐸水師迎擊沛霖屯紀家台相持半月益 也. 河焚掠百餘里通款廬 年正月庚寅朔沛霖水陸兵至兩河口將襲州城同 朝放防兵幕即退矣同書許之沛霖乘勢由菱角嘴 Ì 級類說同書日 沛霖率千人犯北門聲言索家 州陳玉成給偽印稱奏王 2掘其墳墓立壯亦忿 |沛霖尋仇孫氏 兩河口 增 百

湘 **粤捻售黨喜騷擾士民憤怨同書因案誅之以** 總兵博崇武率五百人還壽州殺立肚子姪七人 霖圍攻如故時同書部將陳友勝屯正陽關張學醕率苗 四 五 一舟等率練赴拔屢挫之沛霖退孫家祠盡掘孫氏墓燉 軍武 |千石送苗營趣徐立壯出戰立壯水苗營稗將所部多 賈臻暫攝巡撫慶瑞尹善廷等咸貳於沛霖要城內米 同書遺黃鳴鐸屯五里廟總兵慶瑞尹善廷攻孫家 月同書卸撫篆李續宜尚在湖北 樹屏等入關逐友勝遂奪正陽截官軍糧道學酯偕 卷七 謝沛霖 洞

慶瑞受沛 苗練合攻城同書督士 城主守事博崇武縋城遁七月博崇武慶瑞尹善廷等 **沟懼復議死守同書已居城外黃鳴鐸朱景山等迎之**7 事者多持兩端卒不敢公聲其罪日夜盼湘軍至湘 時中不屈死六月黃嗚鐸罷壽春鎭以博崇武代之博 武脅城內搜苗所指目者三十 1 突圍赴壽南檄王舟等夾擊戰屢捷當是時欽撫言 分討則言勝保可制沛霖勝保在 霖計執家泰繋州獄學酯將送苗營家泰自殺 F77/02114 三民鏖戰不勝遣吉學盛朱淮森 家且要給苗眾錢城 山東檄才字 娰 內 軍

續宜來院. 州 朝旨促甲三會李世忠往討八月曾國荃克安慶多隆阿 湘緷訂 **諭多隆阿曾國荃分兵往援以彭玉麐爲安徽巡撫王** 穆宗新卽位尤嚮用湘軍以續宜署鄂撫未能行 濠十 **潁電各圩萬餘人界方謨勲馳援謨勲名解圍暗助賊** ?桐城舒城廬江楚軍聲威甚盛賈臻奏請撥勁旅援壽 或令湘將駐六安三河尖懾苗練九月哀甲三 丁餘里斷官軍餉道城內 · 陷是日風 光光十 雨晦冥姦 人相食斗米至十萬錢. 乘夜內應繫苗眾數百 奏催李 掘

綴 狀言壽州官 H 知 珊瑚頂 ? 州 城殺守將朱 率馬 族成被 1 春 疏 孔雀 步 和 脫 紳 超 陳 知 縣 一書

袁甲 翎. 蔡其老母妻子皆 何 沛 一舟憤 山六安規 張廷獻公白 捻陷城苗練克之鳴鐸不從因 同書日滿 叛 遊 門守將黃鳴鐸馳至 極自殺沛霖素弗冠戴比入城冠 同書 城皆賊吾來救 遇害守禦紳民 沛 曾 訴已不 霖遣黨徇 國藩官文 P 叛同書件: 被 《擒劫令》 遣 公耳 河南 国的其中 及係 湘 將 因 諾 徐 灰

勸誘彼即挾詐術以要求今長准上游霍 朝廷假爵賞爲羈縻彼卽竊威權以脅眾帥臣以恩義相 霖藉受撫之名行謀叛之實已數年矣 進攻約袁甲三李世忠夾擊殲之十一 統楚軍赴潁阜扼北路如苗練萬不可撫即與霍六楚軍 南下爲克盡厥職耶曾國藩彭玉麐均有地方責玉麐 可成. 緷 一苗沛霖以乞撫爲緩兵計賈臻 河尖正 彭 陽關各處均被跕踞且欲下窺蹄淮上吞 人名七 二月國藩疏言苗沛 無展布專待勝保 邱壽州懷遠各 力

李續宜袁甲三亦薦續宜乃移河南巡撫嚴澍森 相尾已 醉 州 皖 ·師舍舟登陸用違其長且鄂皖江面太遠玉麐如離 固南句粤逆西通捻匪 甲三臨淮之軍聯為 國藩薦賢代之國藩薦前雲貴總督張亮基湖北 光固逆蹟昭彰斷無再撫之 日方長楚師方勦髮逆暫難同時並舉俟攻克廬州 撫 路難收夾擊之效水師實有挫失之虞於是玉麐 一人はないこと 氣方可併力勦苗彭玉麐素統 經進駒羣凶之交必固戰爭 理惟沛霖羽翼已成集 巡撫 與 水

皆克之二月多隆阿進攻廬州陳玉成乞援金陵洪酋 還續宜安徽 陳坤書黃文金援廬自九洑洲北渡三日夜不絕世忠 同治元年正月李世忠克江 浦口距 |巢縣含山進攻和州克之 当 三壘皆陷上 以金陵可乘催世忠取九洑洲 ربد اتر 九 洑 一游上 えー 洲綫數里必以八千人分守兩城 扼小店鳥江 一士灣羣賊渡江集和州曾國荃軍 詩由江北糧台供餉 浦浦 一進攻橋林烏江 期會楚師世忠奏江 |賊壘

| 隙勝保 世忠歸 吳棠撥餉叉以 百數十 月多隆 霖 軍 州 《實未會 援 軍 闡· 威遣 令剃捻自效且 「賈臻屢疏告急成大吉蕭慶衍出固始援潁沛 潁 -隻赴浦 會國務節制時苗沛霖合專捻賊 阿 使勝保求 月成 克廬州陳 兵但令其下薙 1/20- 4 -楚 大吉蔣凝學等軍 師距世忠營纔 款. 奏止楚軍博崇武復言沛 **玉成走壽州沛霖誘獻 因釋貨鳴鐸沛霖** 一一一一一一一 進 四十 **海州城** 稱矢志殺賊| 里 《與張洛 犯額 勝 解 州冀 霖 圍 南 願 軍 而 助 走. 解

撫甲三仍留督師 數近三萬近叉招收至五六萬之多據有城池自爲風氣 穆宗以世忠騎悍甲三拊循數載尚盡力爲我用飭國藩 **韶李續宜爲欽差大臣續宜因母喪固辭唐訓方暫署巡** 偵大軍至渡江扼石準橋賊來爭擊走之七月世忠攻九 語具規復安徽篇五月曾國荃進軍金陵屯兩花臺世忠 續宜如甲三故事國藩奏世忠初降勝保留萬八千 洑洲不克築壘與相持袁甲三陳世忠戰守狀因乞病: 軍記 長准五河長江新河口多設釐卡所獲頗厚又運鹽 卷七 八寅

售. 其力亦不輕調其兵若欲收囘 臣擬姑循其舊釐鹽不加禁遏請求亦不拒絕但不甚資 國家利權則須另籌月餉足以養彼之眾乃能行吾之法 繩 分兵駐守蕭慶衍屯霍邱成大吉毛有銘屯三河尖 相尾已 報可閏八月沛霖退居下蔡獻壽州及正陽關蔣疑 退陳坤書於大局不爲無功未可没其勞而邌議其後 以法律勢有所不能且近來克復天長六合浦口江 上侵公家之利下為商民之害殊堪隱憂然相沿 廣東釐金 7/24/1 浦.

忠畧同 穆宗慮南北軍失和兩慰解之九月世忠因病乞能 暫應駕馭仰楚軍討捻無所撓國藩亦言馭苗之法在 **駒自效沛霖因排閒之僧王詗其姦密陳沛霖狡獪難** 其罪而不資其力於徵調則吝之於燈卡則宽之與待世 格林 王載駟屯六安皆續宜部將也楚軍在淮西者聲勢 許李秀成自蘇李世賢自浙合援金陵圖 盆恐勝保移師援陝上疏訾楚軍爲沛霖請隸於 沁時僧王追捻至夏邑規圖亳屬捻圩檄沛霖助 相

世忠遣 防 相 沁 春鎭李璋守壽州 湘 金. 徴之 軍採 和北 徐 渡 撫局今江 攻九洑 肚之 **冰樵者十一** ) 動捻沛 心將率萬 |陽逼近苗練若始終含忍彼將以 故技. べたと 軍移 北 自 霖 蔣凝學密白 一人掳七 渡江 施之 自勝 屯 和含集廬 軍壘卻之 由 僧格 楚軍若聲 保 助官軍 去盆 干 自 國藩國藩 月僧格 國圣 僧王 乘 結 致討又 桐潛 -請屏楚師 駐壽 林心镐 僧王. 殺 賊 十二 因奏言州軍 || || || || || || 恐礙 孫家 退 泰蒙時 其兵城 僧格 泉軍 而 以壽 調 林 屯 萷

朝 練 耐戦. 陵賊大舉犯皖 自九洑 解 議大駭而沛 正防兵分守潁 勝保遂以 與賊通世忠方自陳戰功白 國藩 紙 營諸 爲 國 (此速問) 霖揚言將赴峽隨勝保道路藉藉以爲 辨其誣給銀米以濟之於是機蔣疑學 將與戰皆不 上疏力争勿 州 霍 邱蕭慶衍毛有銘移 州北渡眾十餘萬分掠 王見楚軍 7撤壽正 利 西陷含山巢和言者頗 國藩請獎邺其實除 退 奏訴 且言沛霖多方 上駐行 死得志: 無他袁 城. 浦 撒 出 疑

緊請示所嚮僧王貴以專力쏈捻鈴束練眾務農業汇 之防有督撫在蓋陰折其覬覦之心不使藉官號圖站 也. 敢遽叛僧王討渦河捻圩至夏張橋誅其**酋楊興太**羣 湘軍記 師之去他日豈|不能逆拒僧軍之來 嚴旨切責其部將楊玉珍盡錮西壩棧鹽置卡高良閒 |降檄沛霖攻谷家圩沛霖因||言粤城擁出長江 年正月李世忠以勝保逮京白國藩奏納已官贖之 國藩與唐訓方撥兵屯守逾兩月楚軍不至沛 《卷七 古四四 霖亦 計 跜 捻 淮

易 記 总 疏 **飲商鹽軍民** 浦 於 密疏乞 撤 兵北屯五河二 論劾世忠壟斷自 稱 澤 湖世忠遣 者皆陷世忠留五 勇號免奪官. 農潛 皆慎唐訓方遣其族 將 月金陵城 至高 所 如沛霖之黨與世 出部 仍令堅守除 **良襉助戰又處沛** 北 河不能救自請 渡滁營之在九 拟 《州六合自》 銜華 諭 褫 霖 下 侵其關 争鹽 洑 弗聽. 洲 船 浦 撫. 戦 國

速 浚 霖 同 埠 移師 時告警而舒六粵販充 由六安犯定遠鳳陽僧格林沁方攻淄 增黨守正陽令潘塏踞三 城 <u>1</u> 月鳳台知 · 踞之圍按察使馬新貽於蒙城陷 添黨守之巡 1 小莪從之且被誅遂犯壽州毀 東浦霖 陽懷遠易五河世忠申大義絕之沛 縣 | Wax \ -蒸鍔至下蒸說降苗練害之棄尸於 撫 乘 閒煽脅諸圩揚言僧 般往來渦 河尖攻六安於是壽潁霍 ,轉相句結練黨號百萬遣 1陽關卡 類上 被遮留僧格林 王 殺 一殺降捻姜 霖復合 掠 知 縣濮 民船, 河. 粤 煌. 町 說 沛 心心

忠誓守五河拒沛霖沛霖圍蒙城益急羣捻助之沿渦 浦 榮克蒙額援**鳳陽羣賊併歸定遠歐陽勝美自廬州來援** 軍克巢和含山粵賊南渡天長六合皆解嚴五月楚軍 為疑學聲援潁州知府英翰攻穆張蔡三圩下之是時楚 **販南走蔣娛學援壽州輕進失利退屯九里溝攻牛尾** 破其三壘國藩遣成大吉移屯三河尖周寬 朝旨屢促討苗未卽行遣兵千人南援四月唐訓方令秦 · 皆寇氛蒙亳聲息絕臨准軍食亦匱唐訓方自食半 耳言 口江浦國藩移蕭慶衍守之自是一 |浦不隸於世忠世 世移屯六安 岡

**堯等分屯下洪李家嘴以隔誻圩之通苗者適僧軍訥** 岸諸圩勒糧助賊而官軍飢困弗之顧遣張得勝劉 與士卒共 津 韶袁甲三募米陳州吳棠自清准運糧濟之訓方詢准 日回己 · 率馬隊至宿州訓方檄與英翰巡龍山 亡六月苗練陷壽州 解 練兵緩五百掘城內野菜雜蔬充食蔣疑學以 復造克蒙額擊退定遠捻張得勝過黑客而軍普 |萬甲三於亳州太和募米千石濟軍臨准 下が多い 知州毛 維翼死之 「維河爲聲接國 維翼守七十 7 重金質 **明典** 南

| 詔贈道| 人夜掉 并 西窺霍 即 焆 蔡外委邱 一劉集周寬世分防 訓 邱楚 ·優邮將帥自會國藩以 舟運米麥入城約堅 **令馬新贻還** T 微彭楊 老廟集調 多元 豫邊防戒嚴國 潘 維城夜開城迎賊維 水 區准以英翰代守蒙 间 桐 紹彩軍二 城六安迎何集成大吉屯三 瓜 洲 **乃**檄蔣 数 入洪 下降罰有差沛霖遣 翼巷戦殁 待成 由常國北渡道 疑學分防凝州 全軍至 訓

清將之富明阿馬步二 **淮賊燄益張八月將軍都與阿自揚州遣軍二千以王** 我運道水師阻巨磁傷亡頗多弁將多焚船燒壘退保 湘軍記 吉率三板八十入准吳棠遺黃開榜率百船繼進與載米 振沛霖見臨淮 人來會夾准分屯南至定遠北至固鎭連營相望軍勢頗 世忠亦追千人出鳳陽西南沛霖夾淮增壘塞淮水 、出黑客抄臨淮後訓方盆危困而水師將丁泗濱 |接軍時僧軍部將陳國瑞率三千人出徐州訓方 人卷七 難拔併力攻蒙城守城練勇纔干人 一千繼進合援臨淮李世忠將五千 七七 蹈

蒙城守將造人詣陳國瑞訴糧匱人 HIH 霖 直 小家城 先爲 捷敢戰初隸黃開榜已而人僧軍以勇聞於 數 ·冠捻苗皆憚之 翰 路專屬蔣疑學等而准南岸訓方自任之陳國瑞 悉毀之每戰 僅總兵軍民呼之陳大帥所部 外壕自 期大舉九 路專屬陳國瑞淮北岸屬富明阿與蒙軍聯 固聞陳國瑞王匿不 。旣至蒙城頻破城北 月乙卯陳國瑞乘雨越壞身自 輒自呼名 価販販 出憑壘發碳傷我 旦夕且不保陳國 即錯愕 · 頗騷擾 五 <del></del> 戸 並 山東河 加 附圩贼 敢擊 猛銳 育戦. 瑞 軍 沛 者 潁

城 南岸規 環 收軍營城外庚午 擲我 刃退者戦 誻 無官 1 軍冒 下蔡唐訓方分軍大 助官 好聞 平 軍 量劾 壽 177/www. 死 南 殺賊圍 戦 一呼聲 佛退亡三 部方是 且至爭反 築壘絕 一十六圩克 富 動天穿賊 攻下 明阿 時 蔡烷沛 賊糧道富 正静州 、小蚌埠圖懷遠富明阿以 至蒙城李世忠增萬 儈 人傷五 格林化了 下蔡乙 畾 霖 鄉 斬 糧台 未陳國瑞 民 已定直東則返施 馘甚眾賊以 何分 猶 田端書等 I 獻捷於 小克陳 扼險 捷 地 僧 聚 循 破 國 於 瑞 軍 淮

|忠亦遣將至殺守門將士五人宋慶等因關殺朱元與杜 | 瑞部將康錦文宋慶攜苗景開至壽州羣賊開門降李世 | 蒙城捷聞賞王萬清勇號獎銀千兩十| 月甲辰朔陳國 訓方軍收懷遠是夜陳國瑞等攻蒙城外壕沛霖自巡濠 林軍高 犄角僧軍翼長舒通額亦至羣圩畏威爭薙髮歸誠唐訓 跳而與其黨自後擊殺之制其頭送王萬淸營富明阿 方合水陸軍圍蚌埠其酋張士端水撫獻蚌埠懷遠庚子 及沛霖妻子送僧王営誅之乙巳蔣嶷學成大吉收 |魁械繋蔣立功乘勝收下蔡毁平苗家老巢悉捕諸苗 老七

捻或誅或降以次底定 學移軍正陽未知賊已獻關守關者亦誤爲賊至隔河發 湘軍記 碳相擊有銘後知之乃解僧格林沁奏諸將爭功械關事 於蒙毫適中地增設文武添防兵訓方奏移鳳台縣治於 有心請免議於是諸客軍皆罷湘軍將分囘皖南湖北 廷頗憂皖北民圩多飭唐訓方籌善後僧格林沁復請 國藩國藩以陳李部將城鬬殺傷相當世忠已 未毛有銘收正 ||誅苗景開卽可完案正陽之事由兩軍不相聞非 《卷七 一陽關康錦文程文炳同入守之已酉 丸 領眾 민

倒 林沁請以世忠軍助攻金陵並責交城池鹽卡吳棠請 之路始知李世忠實無通賊之事至調剿以資其力臣 為不 難測 規國 蔡置渦陽縣於雉 勝營精壯數千分隸會國藩唐訓方閒之 行逆施厥後搜獲偽忠王文書言力攻一 苗慷慨請行若自知不為斯世所容借此 潘 可蓋該提督尙無叛心而部眾斷無可用及 日專利擾民臣於元年九月接統其軍猶慮其 議 日李世忠為眾惡所歸蓋有二端 河集而言者皆欲乘勢除世忠僧格 一浦以暢北伐 楚師中觀 求 其馳 日心 穪 揀

然而不足怪袁甲三與臣接統以來亦不能籌發官餉改 殺李世忠仍復詞氣遜順不似往年倔殭之態若亦自 納稅收釐又奏令月給餉鹽自捆自賣風氣旣成視為 慘民怨沸騰實為遠近所共聞竊就前後論之勝保納降 者即壽州下蔡迭起爭端蔣立功見執朱元興杜宜魁見 桀驁之氣以爲天六滁來本羣賊出役之區 打軍已 禍謫將王但委婉以求苟全者惟此次懷壽 初處置誠有未善收留萬八千人聽其盤踞數城養 則數縣之內田荒民散剝無 Wat 13 É 帶焚掠甚 任李世忠 知

偵世忠世忠先有散部伍交城卡之議羣疑稍釋 況世忠乎臣愚以為世忠勦苗甫畢但可究其騷擾之 利亦减今歲勦苗途次無米可買他人處此亦難免擾民 即留用官不得過百勇不得過二千三月世忠悉發已 全 南惟總督命水師船礙悉入官國藩報日 不必疑有叛離之心臣當令其遣散部眾交還城池退出 一年正月癸卯朔世忠狀白國藩以所守滁州五河來安 卡停給餉鹽放還田里保全末路時僧王遣 冝 椒天長六合等城請泒兵接防其營勇或撤或調攻江 えたー 「部眾悉散大善 人至五 罪 河

將 號 **慨亡私之舉則非臣意料所及我** 亮之至其不擁厚貲力保令名以詭譎好利之人忽爲 撫委官經收因乞病囘籍葬親國藩奏言李世忠當江 萬緒屯田牛種貲本銀七萬兩助總督軍餉銀一 大定之後 深身引退 深明大義 該提督 不萌貳 志臣 八己 九千兩又官欠餉鹽五十餘萬包不求補給五河釐卡巡 相同已 及餘鹽積穀給其軍三萬餘人人各給鹽包或緡錢八 領白金數十為行貲國藩令留三千人以陳自明將之 日忠樸營世忠捐修渦陽城錢十萬緡修滁州學錢五 だっと 邑 一十五萬

**詔嘉許之六月曾國荃克金陵餘寇走閻廣羣捻北趨** 瑞寓縛執舟中聲言國瑞前在天津與法郎西有釁將 恩榮李世忠亦保全終始庶足廣 謬與相善日夜奏伎為樂國瑞不為備四月世忠突入 國家優待降將張國樑程學啟旣備極 大定 仁而 Ē 夷場國瑞從子呼救. 招攜貳 世忠常攜姬妾優伶往來吳楚 月遊揚州陳國瑞亦容邘上 7 兩湖商船以 世忠銜壽州 鄉情應之者 争門 5 事. 江

記安徽 農家世忠以 **墹多言世忠叛者京士交章參劾** 穆宗以世忠貸死已久不忍追究旣往下 **潘衆其事奏磃世忠職勒囘籍國瑞故總兵降都司吳楚** 相軍記 固始偵世忠所居則五廬草舍相閒竹籬環水無 年世忠在安慶代 巡 八懼乘· 撫英翰河南巡 一歲惡用不給開棚造紙志在營利謗始息其 人人言世忠黨羽眾將謀反竟無驗 段卷七 小舟跳走倉皇落水其黨救之獲免 人索債辱歐官幾死巡 撫李鶴年案驗鶴年奏請誅 會國藩國藩 亖 國

鎮跋扈中朝不加討率以恩義聯之恣其驕倨之性卵育 拒朝命者亦往往出淮蔡之閒其地勢使之然耶唐時 者有遺憾焉 隱忍獎圓旦夕之安豈計之得哉觀苗李之事吾於當 王定安日自古異人豪傑多產淮甸而姦雄草竊跨方州 孳至於凶猘不可馴伏乃草蕣而禽割之原其始未嘗 忌惮後稍狷狂也嗚呼為國家者不得已而用撫含詢 軍記卷七 東湖黄

湘軍記 湘軍記卷八 功自喜則以爲賊不足憂賊伺其懈擊之倉皇散走全師 致潰當其盛也中外喁喁企空謂大則可翹足待諸將 傾覆大局亦爆矣 及其所以滅固前後異軌矣而官軍軼盛軼衰不常其勝 或長圍已成而功敗於垂成或遠征赴敵而軍士內 呼自古興亡之運曷嘗不關乎。 **圙攻金陵上** 一一次卷入 國藩之制兩江也受命於顯沛之 (事哉原粤贼之初起 東뷍王定安撰 訌

策城大兵單止之而未能也則欲倚多隆阿鮑超百戰之 安慶長縣東下排眾議逕駐雨花台勝兵才一 閒弗能至賊覬官軍少則糾蘇浙之眾數十萬併力圖 覆亡之餘逡巡審顧躹躹焉常若不能自保曾國荃旣克 師. 勢愈換而國荃圍師增至五萬聲勢日倍賊筷 國藩憂惶騰檄國荃退師國荃益力持之城久攻不得逞 能去! 合水軍助之而多隆阿有事陝西鮑超轉戰工 洪秀全盆委任私 是時楊秀清韋昌輝先死石達開西走萃首互猜 (諸洪因緣用事植黨納賄權分) 一萬耳國 月技城 西安徽 M 藩

集先遣綠營三千出湖北黃州屯鄔穴自率松江 文宗以兩江總督陸建瀛為欽差大臣馳防江皖值承 H 加裕硜硜以樸拙堅忍訓其軍士然而犁穴擒渠遂以 久文吏不知兵建瀛雖雅負時望未諳軍旅倉卒募勇未 陷險所向 以向榮 1 日夜憂前敵挫敗國荃懸軍深 區宇者將帥之能懼不能懼而事權一 1 |年十月粤賊渡洞庭北 張國樑之忠勇統兵入萬取汇浙財賦供軍摧 | 恥捷宜若可以 無敵而國藩起儒臣持重 走 〈兵未嘗加多糧 営 4 廓

坪前軍遇賊潰翼長恩長戰死建瀛率潰師乘船過安慶 使 得泊壬戌安慶陷建瀛以江南舢板及廣艇分屯東 且 瀛退人金傻辛未耽 祁福藻忿極嘔血 何擊賊幾敗守陴者別礮助之誤中團勇民駭散布 溯 一勝關迤逦至七里洲水陸號百萬晝夜攻城城 扼賊舟比賊至師船輒望風逃總兵陳勝元中破 江西上十 えオノ 死城以 月武昌陷三年正月丙辰建瀛至 **薄城環城築壘** 《礦夫穴地埋火藥】 四其船 龍 新

然議留黨守金陵自將由淮安北犯有年老舟 粗軍記 陷群厚陸建瀛霍隆武皆遇害城中官紳與駐防軍民並 又發登者皆態官軍爭割耳獻功他股巳由三山門越 秀全旣得金陵則以爲天下莫能敵與羣酋謀所都僞 搖遷徙多築巖聚避匿京朝官多託病棄官歸僞天王洪 及於難當是時賊勢張甚中外洶懼數千里外居民皆 副 王楊秀清日河南居天下中古東京也立都便秀全以 都統霍隆武率滿洲駐防男婦守內城守兩日內城 外城遂陷提督福珠洪阿戰死總督奔內城將軍祚 をおう 三 呼 撼 東 河

訶 逍 禁起貪心有禁男女有别夫婦不同宿母子不得並言 神 民富食足尙不立都而往河南何也秀清韙之遂改金陵 城不許擔挑兵入民房者斬所至設高座說天條謂之 爲偽天京毀總督署爲偽宮立偽法十號曰天條凡拜邪 南 有禁殺 水少而無糧敵困不能救金陵有長江之險城高池深 提督向榮為欽差大臣內閣學士 理遺偽丞相林鳳祥羅大綱李開芳曾立昌等徇鎮 j 州陷之先是武昌陷兩廣總督徐廣縉遠問 1 人害人有禁不孝父母有禁姦盜有禁欺詐 一許乃釗副之榮日 田

軍始 | 梁軍以噴筒火箭射城中城城大驚楊秀清乘城拒守覘 城城賊四五千來爭壘弗就甲辰榮身自督戰賊稍卻 朝陽門外賊隊駭爲官 昌載之行是月丙申始達金陵城陷 豆 門孝陵循軍馬庚子攻城外土城克之壬寅榮軍營 贼 1 傍城築營十 逼 2城而營而3 而東前鋒張國樑至九江無舟濟師索漕艇於南 型 乙 Triva. 可襲破七甕橋 通濟門 軍發礮擊之 始懼不敢出 賊壘瑗立樂分兵擊之三 ,已乘霧奪鍾 |殺數| 已逾旬日乃繞 9 、 奉 賊 皆 山辛 西夜 夜 朝 庚 我

言京兵數十萬且至檄州縣備馬料 能 營城外號汇北大營漕運總督楊殿邦山淮安進防邵 兵潰造成 步諸軍由河南進至揚州提督陳金綬內閣學士勝保 詔福濟代之時江蘇按察使查文經治黃河駐凊江浦揚 授湖 **语湘軍初起江忠源最有名** 年高 至而都統琦善亦以欽差大臣帥直隸陝西黑龍江 .南大營之名自此始别將鄧紹良等屯鎭江以蔽蘇 按察使赴江南大營幫辦軍務忠源戰湖北 先ノ 贼疑愕不敢進文 1 常 伯. 馬

皖 與副都 北曾立 團拒之 督慧成率宣化 尾已 月腷濟至江 州 2龍池夜 昌亦道紫第浦 州東南賊 御史雷以誠巡黃河自 学を入 城金帛婦女南 北查文經自茱萸灣移屯揚 . 贼營火我軍縱擊燔數 州鎮兵屯茱萸灣四月 現 裏 一揚州城 下河殷富欲道 圍遂合適慧成子學士 入金陵自率大 犯六合 請討賊以 道萬福橋 知縣温 瓧 風
解
留 誠募勇屯 、股波江 南閩 賊走 晉 萬 浙 金

未幾勝保移師河南 城竟不克六月丙戌鎮江賊與官軍戰北固山下賊伏起 縱火燔我營環城七營皆陷鄧紹 良退守丹陽都司劉廷 附 揚州巨磁所擊處城輒坍總兵雙來越壕先登賊以 Î 募勇投効軍鎮城南善以少擊眾故賊畏之戊子賊 **率剃勇斷後賊不敢倔劉廷鍈起商販勇而多智自** 城板道我軍登者不能驟下傷亡頗眾雙來折一 Ļ /誠刑部侍郎副琦善軍事辛未琦善雷以誠會 火

相耳記 軍造 仿其意 一濟公用率網錢百分而算取 隗 餉 機船攻揚州不克雙來陣亡壬戌瓜州浦 河侍衞都與阿擊走之時北來新集諸軍皆駐 則設卡權之 不繼雷以誠軍尤乏始創釐金法於仙女鎭釐 而增損之坐賈 旅 毎城鎮通衢集 至城不 一、任八 與關稅 帥爭效法之日增 酌 鄉 间 歲之中<sup>1</sup> 人設會館抽百貨之贏 1活釐 諸 取 行省往往有之 **刀盆卡盆繁而** 輸錢 六 口贼 金 商 板

が上手 1.15 **詔兼署總督及鎮江陷文藝託言出城調兵而文定虛張** 文宗初隱忍未加誅至是論罪皆譴戍以許乃釗爲江蘇 巡撫自請守瓜洲. 總督楊文定京口副都統文藝金陵之陷也文定爲江 巡 十年來天下商買稍困於征斂矣八月逮治前署兩 益重歲入過於丁漕數倍及販平兵解釐金遂成常例. 無廣匪作飢攻陷上 功言率水師乘風進剿且劾諸將失城罪 / 虎嵩林為大將助之十 海許乃釗自金陵往討向榮分大 月向榮遣軍圍鎮江

四年二 和春將之江 夾 秀凊移皖南賊進高湻 紹 新 ļ 突圍出 留營諸將斬成有差十 Ì 良總兵德安扼東壩拒之. 復由三 與賴漢英合走瓜洲揚州復琦善以縱賊自 西還領眾 北軍擊賊 北軍復儀徵. 7/// 一议河趨 北渡合儀徴賊援揚 揚城戰甚力圍師多潰城 湖鏡 瓜洲敗績總 城結壘屬於江以 東壩冀解鎮 一月江南軍分兵援廬州 秀清叉以 **兵** 程 騰 龍 戰 死 州江北 揚州 達金陵賊 圍榮遣 圍急賴漢 軍卻之 賊 提 曾立 楊 秀

南軍 拼 賊 往 夾攻大營向榮 振 邦福 釗攻 軍 助之 記 参將張國樑以 密約 留向榮軍 與迎拒水陽. 織皖南郡縣無完土矣七月向榮克高湻先是 固 一秀淸偵大 海 人不拔. 鎭 笼光 獲其諜者先遣 露寺斯 江 贼 出其東 贖吉爾杭 少擊眾屢卻之 營兵薄嗾蕪湖賊 、捷乘勝徇高湻復 太平城出其西與金陵 阿為 捉督余萬淸等東擊 而以 選出 傅 江 潜襲 蘇巡撫榮復分 振 月楊 七 ) 賊分股 張 東壩榮逍 國傑 秀清以前 城 撲 鎮 西 傅 贼

湘軍記 詔江 令城外刈麥旣出而閉之以減軍食其後復令配賊軍了 **賊收入金峻洪酋久困圍師糧** 從而死者數萬 方橋指撝諸軍壬午至乙酉楊秀清大出賊分犯我壘榮 平國樑首陷陣殺四五千人辛已克太平榮自將據 明安泰穆大本等逆擊敗之他股由雨花台洪武門 **甕橋將軍蘇布通阿戰力利穆大** 人賊三路皆潰參將張騰蛟等搜城廂匿賊殲之 《卷八 人是月琦善卒於揚州 不繼則揀婦女老醜者 本斜刺入賊隊斬其

膧 橋搗其巢金陵賊飛槳來援戰方酣南軍師船已破浪 **虎**高 衝擊走之於是大營自金陵迤東而南雨花台諸壘盡 寅鎭江贼分黨踞高資夾江而陣前鋒擾及句容余萬 管陳金綬卻之 年 |年個南門||而營賊不敢出通濟門矣 明阿會師癸卯李德麟等由金湯門外五道並進渡 林往 正月乙丑朔吉爾杭阿克上海移師圍鎮江二月 來 百餘三 **拒戰壬戌向榮遣德安往助擊沈其船獲** 一十月江北軍攻浦口向榮分兵渡江 洲賊 北固金 西 艨 與

得 進 三 哨樓乘 舟甚 **榮遣吳全美李德麟率紅單船西攻三** 創焚賊舟 通 目言 敗退戊申吳全美等揮水師薄岸躍 浦 軍 託明阿 | 夥獲拖呂快餐二十 1 1 克蕪湖吳全美等水師進屯皖南邊 勝 山 者濱大江據金陵 國 山漿賊營江 設 樑 17/4M 伏 敗賊燕湖乘勝克太平留兵戍之七 除託明阿自 九洑 洲旁江 M Ė 率 城牌皆盡於是三 四月乙 游. 南軍伏七里洲賊至 師船沿江 賊以 已賊旁走江甯鎮被 山陸師助之焚賊 重兵扼守庚寅 而登隄燒其木 而 西阻 山水 踞 與江 皆被 壘 向 弗

厚等新 黄 萬 汫 向 洲為金陵 火發城坍十餘丈官軍爭從穴道登賦抵死拒我城 清各自爲軍萬淸屯城東京峴山巡 Ī 清者故湖南提督守道 山京畿嶺築壘置 率萬人 適 文上海有功願兵少不敷戰守乃增募將士與 用 犄角巡撫吉爾杭 余萬清營力戰 而 、赞巡撫軍事巡 部將虎嵩林周 一酸以瞰城 州賊至委去論劾赴大營自 阿與余萬清屯鎮江 ·撫兵不滿萬頗嫌余軍 、兆熊胡世斌李若珠劉 **江北軍**圍 撫地 月我軍掘 小 城外 山復 地道 洲 復 遺 氽

黑龍江 相尾 戰 張 追 脚壘 或 操自 棲 州 洲 已 馬隊 橫 急遣 霞街 北 遁 北 埠橋 犯 仙 是 城 黨往 万 開 始 與鎮郡 中原者風矣託 抄其 大肆 鶴 多多人 門 知 一甘家港 府温 外 援 賊 成賊 而 掠 而 隔 返奔 國 紹 樑 《水陸來 一未幾復 進 悍 原攻 相 文遇 見火光 斬千 寇 明 (阿患之) 自龍膊子 帆 (争我軍) ) 賊大至 檣 敗之 數 洑洲克之 馳騎 乃募民貨築 觀音門斬一 **平拒卻之** 救之賊 窥 國 而 t 他 經聲. 操從後 我營向榮遣 一賊潛 洲省 楊 兜擊 敢 秀 由 清 東 股 圍 餘 拒

金陵 戰 鎭江 秦懷揚處無後援欲自裁王 因 万年 家幹 Ē 縣多淪陷惟六合獨存知 無守兵復 與相持已 向 岸 乘大 樂遣 賊 為城奪 、霧襲九洑洲越濠深 擢 1 紅 西窺安廬東掠揚 知所 軍船邀擊敗之神 知府仍留六合權 屢犯 為皆棄壘跳 園 月安慶賊合 一家幹 「縣温紹 秀清遣黨赴 縣篆 塘河復敗之 瓜鎮卒由此進時 之
ル 、賊覺 原以孤 洑 乃遺部 洲 無為燕湖城東 而拒 贼 石壘皆克其後 深 概 置 膝 城縣 戦我 將素 陶 版中 陽浦 懷 江 實 北 拔 揚

廣 興 軍 褫 HI 指潰託 、阿敗之 將 職 艇泊 河 洲 7 摧 布 祥 頭 林戦 金山 犯揚 政使文煜拒卻之事聞託明阿雷以 東援揚鎭余萬凊虎嵩林 (中堅賊) 明阿退保北路三月戊午朔揚 1弗能禦楊秀清復自金陵撥大 州時 橋復敗之 死德與阿 /SA ( 不能首 總兵周士法領 獨率馬隊 虹橋尹家橋秀清 尾顑遂敗二 浙艇泊 職不利 衝突城由萬福 州陷. 问 焦 鎖 盆 (誠陳金 樂進 江城 招皖城數 陳 档 窺 裏 渡江 府世 國泰 張 國 防 焜 誀 領 樑

慶退保六合賊復尾攻之向榮遣張國樑北渡屯龍池 書副之庚午北軍復揚州賊走江浦分股掠浦口總 林 詔德興阿以 圍鎮江人不得要領以攻堅不如斷糧令知府劉存 局資築一 之水家灣適温紹原自六合來兩軍合攻復大捷賊退 耳 許墩焚掠而至國樑嚴陣以待旣近縱擊之賊乃潰 口國樑會北軍馬隊敗之葛塘乙亥克浦 一酉皖南賊陷甯國向榮遣軍援之巡撫吉爾杭 一壘於煙墩山絕賊運道楊秀淸患之遣 都統銜充欽差大臣接統北軍少詹事翁 が名う 口庚辰 阿 同

爲向 賊 爭 運 道 其 蜂 不 哎 用缸 吉爾杭 棚間已 出句容合鎮江 恩厚矣今 一腿騎 . 记 湖 樂聞巡 國戰死諸 |突闘出哭日 阿憮然! 八存厚營賊見巡撫至 「名う 戰而勝賊 日吾受 將皆閉壁自保巡撫兵才數千 可當棄高資則鎭江 則遣張國樑馳救五 吾與吉公俱 糧絕則巢穴可覆勝於老 一劉存厚營知 數匝吉 賊喜得命必 何忍獨生投江 三 戦死之 縣 松壽鹽 爾杭 或說 副都 師 阿登 殉 7

Ž 戰賊見我軍遠征者多居守者少營壘空虛炊烟 隊自京峴山與國樑會師國樑四面兜擊賊回走九華 卯 報 外 **陷溧水向榮復分兵馳擊之當是時榮與國樑負重望** 捷於東陽甘家港於是援賊皆返金陵楊秀淸復遣黨 橋勝之又勝之五峰口磨笄山諸將偵國樑至皆倚以 乘夜襲破其營羣賊皆棄壘跳大軍躡之游擊張玉 E 朝岡接師夕發而城外城壘濱江要監亦無日不事 一个萬清等自徒陽運河李鴻勳自丹徒鎮福興等馬 Ä 稱江南勁旅聲威出北軍上遠甚諸路告急金陵警 世名ブ K

夜謀 復 獨 賊 金陵拊官軍背城賊自西而 圍 集賊自後躡至環城外築壘幾徧樂憤懣成疾頗困憊 月國樑與諸將謀 稿 稍 卻 1 身翼梁突圍出稍收散卒由酯化與退守丹陽諸 问 所以覆之軍士以飽餉乖時忍飢赴敵頗觖望鎮 忽 、樂張國樑 大營同時火起守兵皆散戰士倉卒亦潰國樑 7// **独常勝終以為賊不能拋我併力截** | 賊以主 桿黨出道濟門會紫金 東與相應深水金柱關等處 |帥病篤又 新勝 賊自東而 山賊撲 西趨 軍

洲 賊 振 其懈擊之必大克眾皆諾乃遣張玉良虎坤元率馬步先 退保蘇常榮喟然曰吾病不能進何顏更南走當死於 國 [定埠南渡截賊衝虎嵩林明安泰爲伏軍國樑偕 角点 一樑前已簡漳州鎮總兵至是 大隊撲賊營縱火鏖戰大破之 不戰而遁追之黃土橋斬數千 更脾燒其寨棚渡河至黃莊橋攻礮台克之秦如虎 5軍事付國傑日 **省 幫辦大營軍務總統各軍七月榮病大漸或勸** 岩オ足 /辨賊吾死何惕但負 |迷奪和定橋攻鳳凰 丹陽城外賊壘悉 福 岡 此

朝廷恩耳遂薨榮四川 榮頓兵堅城者四年日夜與賊鏖戰常以餘力援上海 將帥多不 為長城賊圍桂 浙 句容屢克屢陷往來奔命及其卒金 深惜之賜邺賞 1 恐江左 北皖南諸 知兵榮以楊遇春舊部習韜畧海內仰望所至 丹陽領其軍 13/m 一种民悲思請祀名官 林 (世職以) 郡縣其旁近 長沙武昌榮輒躡至拨之及陷金陵 道 光三 枘 江南提督和春爲欽差大 邑若丹陽溧水溧陽 総督怡良兼權之 年赴 秱 陵諸酋舉觴相 4 西討賊當

樑已擊破丹陽諸寇壘則復圖進取奉賊走金壇遣虎嵩 金陵無圓師秀清自以爲功莫與宗陰欲自立裔秀全過 居偽宮日事淫佚諸酋罕得見軍事皆決於楊秀清文報 兄因召吕輝密圖之昌輝新自 先白偽東王府刑賞黜陟由之出諸偽王如韋昌輝石達 林渡河破之八月傅振邦克東壩遂克高追攻溧水國樑 其宅令其下呼之萬歲秀全不能堪曰弟稱萬歲何以 雖同起草澤比於偏裨常令遠攻江西湖北向榮新喪 | 脐克寶堰黄茅莊進屯句容賊之踞金陵也洪秀全 年記 第分 7

詬厲頗甚昌輝<br />
患亦欲殺秀淸 妻子女秀全乃大恐使使陰約秀清餘黨於城外共攻偽 **陰受天王命誅之眾洶懼別城搜其黨殲焉於時石達開** 族傳首甯國甘言召達開囘旣至羣議如秀清故事輔 北王所昌輝潜逸渡江為邏者所獲縛送金廀礫之夷其 昌輝昌輝怒將併圖之選開縋城走甯國昌輝悉殺其母 往即席刺之洞胸臠而食之乃令於眾日東王謀反吾 |誅楊韋| **| 黄玉昆在江西臨江間飢越歸達開頗消讓** 《卷八 首盆疏忌達開達開危懼不自安還 日秀凊招飲昌輝戒備 玄

洪秀全益荒淫恣肆自詡為天命不能亡矣九月壬戌張 世賢黃文金楊輔淸皆踵起封王號爲驍悍內事決之 隙則堅約江西諸賊固守勿得東季賊薛 亨達開糾十萬 國榤奪近 走安徽不復歸以偽安王洪仁發偽福王洪仁 一選其後國樑囘擊破之石達開之還安徽慮官軍蹈其 秀全兄弟也於是始起諸偽王畧盡陳玉成李秀成李 無東意曾國藩時在江西瑞州 反趨金陵攻洪酋爲楊秀淸復仇諜者屢以皆而達 關橋甲戌敗賊吉利村遂薄溧水踰濠將登賊 |達柄城政

**兴章内** 預籌 然歸 文宗處石逆 裕 誠臣曾檄諭 Hi 地 其新 一彼方挾詭詐以馭眾假仁 新赴 命 納 降地· ľ 則臣當令其立功贖罪獻 下游均無成效假令石達開自知大勢之日 **江如洪韋勝而石逆敗則投誠自在意中若其勝** 撫州吉安六城中獻出 囘江 地又復往來湖北其力可以自圖佔踞今與 1 CAN / 1867 月國藩奏言石逆人 城目林啟容歸順又計調瑞 西圖 **佔踞的國藩乘其勢渙光擊** 一義以要民飛揚自恣豈肯投 城爲質能於安慶九 (居安慶爲巢穴江 城 則可信其與心 州城 西 翩 賴

文宗 निर्म 淋 國 臣不敢負招撫之 河之 年 附. 月 和吞遣軍攻溧水擊援城於鄔山大破之 (洲贼敗之 青 等克溧水閩 叵測如阿睦爾撒納先降後叛之 手部嘉之 施琅黄梧近日之 月張國樑敗城句容一 アネノ 土橋朔殿華收之 名她防勦之質 月江 北軍羅王 張國樑成例具在若 國樑克句容九 月江北軍富明阿敗城 四旦鋪五 一斌鞠殿華敗賊高 四 江南軍 稱 義. HE. lh) 瓜

金陵矣 德興阿克 型 露寺犯官 遁 金 亦扼運 日記 凼 金陵餘 陵 小分軍縣 援城 虎嵩林李德 凝河 一戰艦 城走高資倉頭我年沿江 軍 皿 攻四門 出虎 干條 洲南北岸 17/ch 樂壘相 張 坤元等撃走之 國 造垣 樑 月國 拒 捷書相望 赴 接鎮江 國 樑 、遂克鎮江 操造 水陸 辿 克城壘 )城城盆 會攻鏖戰六 和 將毀其酸台 追 春張 壘扼高資絕 上贼酋尖 Z 十七進圍鎮江 禽斯 國樑盆銳意 困十 大 如 孝 (書夜克 萬 丞 规 <del>II</del>: 朓 圍 而

樑進攻七甕橋殲城數千李若珠閒薄賊壘誘之洪酋 讲 八年二 英會長攻雨花台印子山復大破之諸將始偪金庱而軍 西南門出大隊遊戰國樑若珠合兵截之圍其一 水陸軍敗之時石達開由江西入浙皖中敗事偽燕王秦 「南大營復振四月賊出雨花台犯圍師和春張國樑督 年前 綱偽英王陳王成迭主之賊糾捻匪掠石橋薛家 馬德昭伏葛塘寺應之庚申克秣陵三月戊寅張 一月和春令李若 が着ア 北軍拒之賊走腳和五 珠等渡河出黃泥庵攻秣陵關 一門誠文 瀏

膊 湛. 和 多所 子至莫愁湖尸相 春遣軍攻克之 李若珠督水陸軍巡視上下要鍵賊盆閉 良馮子材孔朝斌踴躍陷陣搴其大旗賊敗走自龍 和春張國樑定計築長濠困之度 t 山越水周 獲沿江漸靖城城益憤出太平神策門犯大 軍鞠败華 No. 2 城 百馀里諸營大小相 水師李德麟等攻繁昌吳全美等攻魯 敗敗全椒七月李德麟攻泥汉 藉遂攻金 一誡各門 嚴宁禦潛結壘於壽德 門毁 維而以 地勢險夷溝 城東北栅壘署 舢 門嬰城守 板 聯 河 뽈. 垣

樑 悉銳出突長圍張國樑 拼 浙入閩犯延建和春復檄周天培 受率南軍援浙盧其資淺復介和春骨浙江軍會和春 文宗盆倚重江南軍石達開兵圍衢州 是時金陵圍 東西圍師擣 師 威名岡天下人人以為大功可企足待 擊破之國樑策馬為諸軍先踰溝燒城營賊潰人 堚 記 一憂侍郎曾國藩代之仍留和春江南石達開已 一〇卷八 師 雨花台自七里洲至壽德洲則令賴鎮海 八萬 和春雖為帥戰事皆倚張國樑 乃令南北圍師分攻太平金 分援浙兵三 先已 一撥總兵周 艇 病

狀 儀 阿 8 阿 材 E 赴 y 邵 丑 越 窥 戰 耶 人營將德 贼 援之 轉屬 浦 叫 Mi 可ながし 門 攻 皖 贼 浦 贼 軍 興阿 興 陳 利 六合 屯 阿 鞠 **J**; )亥城 綴 殿 成 溗 利眾 艇 南軍. 華諸 船 盆 破 陳 軍 浙 . 1 揚 南 路城 成 撲 北 浦 自 挫 丽 於 東八 是 和 揚 軍 忍. 春 'n. 浦 州 郁 陷 分 德 馮 會 富 赴 胍 敵

濱 當 贼 H 張 金 自 聞 軍 或 赴 一个一个 張軍 既潰. 披靡自夜嚮晨城不 Ē 與賊戰東南門大 水 死之 岸故無兵餉荔貲練勇設守 縣無處百 克揚州 外援絕 且至益穴地轟 紹原湖北江夏 則引兵救六合已 製十城椰望 紹原詢彩**嚙指草血**書乞援 一破之城出 紹原放同志誓死守 及掩 城庚寅城陷翼長温 人少為吏忧慨有大 風 亥克揚州戊子移 突北門國 K 1 丑擊城 解紹 禦血 戰六年吃然 原權六合令 (陳板橋) 而賊 紹原率 勝保 飛騎要擊 志 來 攻儀 敗之 贼 起 至

長貴禦之 重鎮南 贼 死 日子 軍 城屯江藍 逐 長捻酋李 其忠烈艱苦世或方之唐張巡守雎陽云勝保遣軍 攻高古 圖 נ 溧水諸將分伏 猶分六合弗去至是竟與城殉江北士民痛 酉 大誉选 祁 張玉 類相 ·兆受内應克之時 門靑陽境敗之皖城 國樑開壁率數十騎怒馬陷陣羣賊辟易 -1/1/2 一良馮子 犄 陷獨六合彈丸猶存積功至監司充 角和 近 村防城逸. 材克深水贼 春令 張玉 皖 陷 南城氛甚熾和春遣 溧水知 張國樑屯高古山 良出滁口渡 西郊伏河 <u>.</u> 縣 、軍殲之 周觀銘 河擊 攻 待 援 破 野

果皆平 九年 軍 文英等擊敗之 國 魁 操励城 活賴鎮海 佴 一繼之乙 進 正 計 追至江筲鎮燬 月江南軍 八萬九洑 一未復灣沚並 入分二 月甯國賊 光ガス 聊自 鄧紹 降 一月巒沚黄池城北渡合皖北 率大軍分三隊驅 /李世忠受之 城助之 犯水陽鎮至 賊壘數十自小丹 **夜黄池江浦** 2 窥浦 一雁翅 用其眾克浦 口江浦張國樑令 城薛 三元 款於 () 陡門 陽迄采石 7 和春遺 和春遺 城踞 仓 磯城 鄭 **李** 周

湘軍記 壘浦 培賴 賊 壘 水師吳全美攻魯港鴉 **人無功和春疏劾罷之江北不復置帥以江南大帥兼** 月遣李若珠攻六合張玉良攻天長多所斬禽而 一皆毁之是時江北有警率自 四出大營汎地盆廣矣十月李若珠擊六合援賊敗績 《鎮海出 、挫若珠糧盡詹啟綸密探賊中隱語大呼而出 西北 「窯載其後圍之數重和春遣 拒我國樑與周天培合攻三戰皆捷附洲 城 《卷八 《夾擊賊 山李德麟攻大通荻港亦屢勝援 敗走三月國樑進攻九 金陵渡兵徃援德興 海子材 王 自東赴 賊 间 師 增

賊潛 從之 樑 諸軍 年正月張國樑大舉攻浦口沿江 (賊竟弗阻乃收敗眾屯揚州) 餘壘溧水賊亦敗退官軍復振 埋火藥於江浦對岸火發自斃官軍乘之連克西 新卡進攻城南北各壘克之復變之磨盤 兵援之屢戰失利浦口列營皆陷周 天培力戰死: 観望不敢戦十 、賊自相踩死者數千乙 月張國樑自將渡江援江浦 西賊乘勝圍浦 賊壘悉破平之遂進 し 賊亦 親 洲陳家 國

從壽德 救卻之 德 洑 目耳 州 陷三月 沿江諸賊棄壘守江東門江浦 和春兼督浙江軍提督張玉|良總統諸軍援浙未至 州宁賊秦禮國七里 月戊戌國樑遣熊天喜由七里洲攻下關克之秦禮 |撫羅遵殿乞援曾國藩時湘軍勁旅圍安慶不能至 L 國樑旋師金陵與和春定議招降解散賊黨於是 是月皖南賊陷廣德州入浙之安吉杭州戒嚴 洲內擊劉季三應之上關亦克拔出難民五千 丁卯張玉良克杭州浙西賊還攻建平 10/sta 1 洲宁賊谢茂廷相繼獻款約內應 賊撲張玉 良營國樑 É 杭 浙 馳 國

我軍自長圍成將士頗驕自謂犁穴擒渠策則有期和春 之閨三 皆失守賊圍金壇窺常州兩江總督何桂淸浙江巡撫 頗怨傳單相煽誘而存營銀尚數十萬兩眾口藉藉張 有齡檄馬德昭曾秉忠熊天喜劉成元<u>分道赴援德</u>昭 (院南 。餽餉艱難議月餉三分而減一 進軍陽溧埠成元解金壇圍天喜偵廣德空虛進軍 **規大營兵薄益促浙皖工北之賊十道並進屬集金** 且 月丙申米與朝復建平是時援斯兵不能邊返供 北之眾其鋒慓急不可當乙酉建平陷東壩溧陽 ラネラ 俟功竣補給士

柳夏之 卒 戊申雷 相軍記 處築壘步步進偏已乃令點賊問 舉於是深陽宜 糾黨日 鎮歸誠向 東 高要人 間變退走 ) 創 基 猶 一夜撲我營國 酮 少時聚徒 不能為謀賊聞我軍攜貮先踞何容斷我後 戶陽國樑方意如六年故事亦退 一《卷入 作天酷寒至夜各營火起軍 在廣西賞 一興同陷 血戰刃數賊躍馬 攻劫為豪率已 樑拒戰八晝夜賊勢益增. 入丹陽河死之 入大營國樑 一而幡然悔之 士潰散和 堇 一升陽圖 出戰自 軍 詣 國 心盆 樑 南 賊 廣 涣

部曾 嗚呼可謂壯士也已國樑旣歿丹陽陷和春突 赫。 聞 州蘇 百戰所向無敵其援濱江郡縣至 名 國樑爲首程學啟次之始雖 如 國藩署兩江總督是時國藩弟 輒走雖洪楊諸酋皆已憚之矣及<u>闾金陵八年大</u> Ē 闘乃以皖事付之 左右 州 和春收潰卒迎戰受傷退滸聖毒發嘔 繼陷巡 手中外皆頌其忠勇軍興以來降 撫徐有壬 丽 自將渡江 死之總督何桂清逮 不是後皆效節以令名 一則克之向榮和春 國荃領萬 謀 進 取 因 Ē 人闡保常 將戰績 m 國安 問 死 慶.

古平 慶 贬 目汇 一、挫迄不能克金陵而轉失蘇常非兵力之倘單實形勢 , 欲復金陵北岸須先克安慶和州南岸須先克池州蕪 被陷向榮和春皆由東面進攻原欲屏蔽蘇浙而風進 撤動則各路防兵皆退軍氣餒而賊氣盛不但鄂邊難 未得也今欲復蘇常南軍須從浙江 運 1 \_\_ 京南之 目前關係淮南之全局將來卽為克復金陵之張 ) 賊 必 踞 上 路袁甲三 |制下之勢臣所部萬餘人 1/11/2 一游之 一翁同書各軍 勢建低而 亦覺孤立無援是安 入北軍須從金陵 下自咸豐三年 一薄安慶城 100 金

起程 與張芾周天受等軍相聯 楊載福彭玉鴎之水師 **勦從前金陵大營以蘇常為根本餉糈軍械源源接濟** 命權制兩江必須駐紮南岸以固吳會之 聲援擬於江之南岸 分兵三路 軍 王良王 而遣弁日 為萬不 一有齡等軍相聯臣函商官文胡林與先帶萬 回湘募勇須七月方能到齊八月方能進 可撤者也臣奉 |四為根本臣竭五六兩 相聯一 分防廣信玉 由祁門至旌太進圖溧陽 由池 州進 山以至衢 人心而壯徽 7 **駒蕪冽與** 

相軍記 文宗嘉納之湖北巡撫胡林翼夙欲倚國藩定工 皆內軍 固江西兩湖者在此所以規復安徽三吳者亦在此 由地州 三省之防待兵勇漸齊布置漸定然後與城力戰 (用貽書日兵事當布筵勢忌近謀公言南岸分 也取飾江 取蘇湖 湖南北為兵之根本以江西為籌餉之本待 《卷八 一西而惟議釐捐以錢漕歸巡撫愚 由

加

門

出

徽

常 專守廣信防工 蘣 南喜國 冱

杭州 割院南割皖北並割江 省協防而後謀吳非 **六濟不忠負也蘇常失守以後督撫監司或死或未** 不必問而吾等悲憫之懷與吳越人仰望之苦最難 近者葉督兩廣而不知廣西為何 ·吳督之任以包寧把持恢廓宏遠爲用鹽漕 Ē 補或未補進賢退不肖此其時矣今宜起兩軍 出准揚此平吳之先著已 北矣福為皖撫而割南岸棄以 年不能夫吳越入之毀譽怨望 一大局安危視公放膽 人所轄何督 1111 兩江 為 何

軍 以其再出 辭之 Ĺ 陷 出於蘇常揚州 辨 漫也急 增 粗 1 定當鼓行而前與懷 於裏下 銀 也以 三
撃
把
持
之 百萬以 脈緩受大題小作則 保 持 臘 河 之馬飲 場推揚 外或於鹽課 推 重 辦 場裏下 一說雖韙之 和眾心為本 米 解京鹽場大利所在 於 江浦林 桐之 河産米多足供京倉 前 弗能 師 有功輒以 、恐或不濟 會於當塗然後杭 翼雖孱弱不 銀 用也 解 國」 Ę 政為 胡林 獨鹽漕 國藩 讓 就場 於權 加蘇 勸 州 常 龍 征

洪 州 米場電之鹽兼 漪 安慶 軍使川路 於東壩掘東壩 流· 互 軍 澤 [ ] [ ] 邵 直 所謂中 相 伯 灌注若造戦船 寶應高郵諸湖運鹽串場人字芒稻諸 為 F] 将 一思以 諸湖. 至梗塞 治力 者也強制孤懸水中 角太 可 īnī /為欲克金陵必先 輔 放之則可 平蕪湖為護衛蕪湖之 此淮揚宜 揚州陸軍使賊不 可通宵國之水陽兀精弋 經 一辦水師 百號不特 御懸蘇 **姚匪守之** 取蕪湖欲 北 矣賊守金陵以 町 州以達於婁 保裏下 犯輔臨淮 南 有 則易官 河. 固 一城南 河 湖 陸 ¥ 浸

於 其內 目 造 徃 復 西 愚 简 E 因 미 水路 國另立 通 幣門 爲欲攻蘇 河 2 大江 警1 國宜辦 一帘國之 爲守陸軍 水 水師 師 無兵不能 水師編 於安吉 閱 可多人 攻其 氣 州 水 須於 東 幾 師 1孝豐选! 断其接 無進攻之 μJ 突眦 拊蘇 庶燕 太湖另立 西 城 船必使 一處皆 州 ||湖可克| 南 濟 堅忍善守官軍 路 **今蘇** 之背此 漪 城 水 已省 鸰 湖之中宵 師 外 州 间 湖 旣失. 東 太 浙 幾 湖宜 盐 Ē 4 江 無素營之 地 圍 梁 無事於杭 面 攻熳年 盟 面皆 國 我 水 有 所. 師 水 加 期 後 贼 徃 州 臣 恢

杭 搗金陵急攻東壩分蘇州 應 詔允行之六月國藩移駐祁門 Ä 詔 荃克安慶始經營東征明年五月國荃始圍金陵屯雨花 取建瓴之勢自是金陵無閉師者二年十 又以爲宜急據甯國當前敵國藩仍堅持前議力攻安慶 湖或以為輕騎至准揚則不制於寇而業已至祁 辦之事義無可辭 豧 国台西 兩 篇. |總督授爲欽差大臣是時論者皆謂 4 、賊勢或云進規蘇常或云赴 八月 当 年 八月曾國 國藩宜直 門 則 援

建 聞 急目前之效宜若迂遠而關於事情然其堅定不搖排眾 其善戰分師遠征頓兵堅城幾克而復失之蓋克敵致果 王定发日甚矣常勝之不可以恃也軍興諸將關茸畏蔥 相区已 功多好謀能懼之心少由斯言之向張特戰將耳非眞 ·殺聲則驚走及賊去虛列戰功大帥不加罪又獎擢之 節東南感激發舒威聲濯濯雖古韓岳無以過之然恃 韜略者也曾公國藩敬慎儒緩觀其奏疏徬徨四顧 而孤行已意其成功亦卒以此由學力勝也曾公國荃 比皆是獨向公榮張公國樑當賊初起號為能戰及 ノジュ Ę

盛行其危阽較向張何啻倍蓰徒以忠誠感召敵盛而軍 湘 **擊孤軍以當百萬之寇兵力去向張遠甚餉不時至瘟疫** 故詳述共事與湘軍參觀知其得失之由爲 附角言 、驚餉園而士不變此其所以勝也 庚申大營之潰世 **詬和春然月削三分而減** 盡以此哉吾故日向張之亡由輕舉遠征非戰之罪也 軍記卷八 光ブ 湘准軍在在有之其致 武昌范